

esistente qui per non darli il locho, et have audientia con li Cai di X.

Da poi disnar, fo audientia di la Signoria et Colegio di Savij con li auditori, et leto di novo la modula di capitoli et stetenò a consultar fin hore 24.

A dì 7. Fo letere di Franza dil Badoer orator nostro, date . . . , a dì 24 dil passato. Come il Re manderà 30 milia fanti et 2000 lanze a la volta di Italia questo Avosto per la impresa de Milan et haveria sguizari. Scrive coloquii col Re zereha il Papa vol fazi trieve con l'Imperador, se non, lo excomunicherà, dicendo non pol far per le constitution di Papi e dil Concilio Lateranense, e facendo questo, leverà uno per Papa e li torà l'obedientia; e che volendo il suo, non merita esser excomunicato. Scrive, la Raina ha parturito una fia. *Item*, il Re si alegra molto col Serenissimo Principe, et manderà ad alegrarsi.

Da poi disnar, fo Pregadi per far election di X Savij sopra gli extimi; et fo leto le letere dirò qui avanti.

Fu posto, per li Consieri, una taia a Montagnana, e darli autorità di ponerlo in bando di terre e luogi, uno Venturin di Belinzona armisero, qual amazò Marchexip di Marchexin. Taia lire 500, *ut in parte*. Ave: 146, 3, 4.

Fu posto, per li diti, una taia e dar licentia al Podestà di Brexa meter in exilio etc. Ave: 185, 0, 2.

Fu posto, per li diti, dar autorità a sier Zuan Maria Zorzi podestà di Torzelo, meter in bando 2 di Buran nominati in la parte, quali amazono il suo vice cavalier, con taia lire 300. 158, 0, 2.

Fu posto, per tutto il Colegio, suspender li debiti di sier Francesco Michiel qu. sier Alvise per do anni. Ave 163, 16, 6.

Fu posto. per li ditti, suspender li debiti di la perdeda di un dazio di le 2 et 3 per 100 di sier Michiel Basadona qu. sier Francesco, come piezo di sier Bernardo da Leze condutor; et questo, *solum* per mexi 6. Ave: 180, 19, 4.

Fu posto, per li ditti, dar il dazio a l' orator dil re Christianissimo di anfore 20 di vin. Ave: 175, 20, 0.

Fu posto, per i Savij, che i debitori di le Cazude, che si dovea far 4 libri, siano posti tutti su un zornal, come ha referito Stefano Bontempo, *ut in parte*. Ave: 186, 11, 3.

Fu posto, per sier Beneto Dolfin, sier Marco Antonio di Prioli, sier Francesco Longo, sier Lorenzo Falier savij sora la merchadantia: atento fu preso a dì 26 Avosto 15 . . . che tutte le robe e

merchadantia di fiamengi, capitavano per transito a Verona per andar a le fiere pagaseno *certum quid*, sia revocà la ditta parte e pani non possi più venir per Verona via, soto pena di contrabando: *videlicet* di fiamengi. Ave 141, 3, 4.

Fu posto, per li ditti, che l'ufficio di l' Intrada de cætero non fazino termine ad alcun per conto di daci, ma scuodino. 173, 5, 3.

Fu posto, per li diti, una parte di certa regulation di la doana da mar e da terra, *ut in ea*. Ave: 141, 11, 9

Election di 10 Savii sopra li extimi. 155

Sier Piero Antonio Moro di sier Fantin, qu. sier Antonio	100.117
+ Sier Zuan Francesco Lippomano savio ai ordeni, qu. sier Nicolò	153. 65
Sier Piero Zustignan fo avochato grando, qu. sier Alvise	139. 78
Sier Antonio Premarin fo podestà a Vale, di sier Nicolò	149. 73
Sier Francesco Bembo fo consier a Retimo, qu. sier Hironimo	131. 88
Sier Sebastian Barbo, di sier Faustin	141. 79
Sier Vincenzo Basadona fo podestà a Noal, qu. sier Zuan Francesco	134. 85
+ Sier Alvise da Ponte savio ai ordeni, di sier Antonio	156. 66
Sier Domenego Gradenigo di sier Vincenzo, qu. sier Domenego el cavalier.	125. 94
+ Sier Zuan Maria Malipiero, di sier Sebastian, fo	159. 58
Sier Piero Orio fo camerlengo e capitano a Spalato, qu. sier Zuane	148. 79
+ Sier Alvise Dolfin, qu. sier Piero da santa Marina.	160. 54
Sier Vincenzo Querini, qu. sier Piero, qu. sier Marco	150. 66
Sier Julio Donado fo a la taola di l' intrade, di sier Toma	149. 69
Sier Zuan Batista Belegno, qu. sier Beneto	117.100
Sier Vincenzo Gixi di sier Zuan Piero	117.103
Sier Bernardo Capelo fo avocato grando, qu. sier Francesco el cavalier	150. 62
Sier Alvise Diedo l' avochato grando, qu. sier Anzolo	144. 74
Sier Vincenzo Barozzi, di sier Giacomo da san Moisè	123. 96